

T 5237.58/1310

105

HARVARD COLLEGE LIBRARY
FROM THE
HARVARD-YENCHING
INSTITUTE
MAR 8 1932

御選明詩卷第一百目錄

五言絕句五

鄭龍采一首

張次仲二首

陳仁錫三首

方逢年一首

倪嘉慶一首

蕭士球一首

馮一第二首

陸寶一首

周應儀二首



御選明詩卷第一百目錄

五言絕句五首

鄭龍采一首

張次仲二首

陳仁錫三首

方逢年一首

倪嘉慶一首

蕭士瑋一首

馮一第 二首

陸寶一首

周應儀二首



趙宦光一首

朱鷺一首

徐弘澤一首

殷仲春一首

葛徵奇一首

吳載鰲一首

龔士驤一首

王章一首

王與胤一首

王養正一首

徐柏齡一首

百目錄

顧咸正一首

堵胤錫一首

蔡道憲二首

方以智一首

金堡一首

高承埏一首

沈中柱一首

朱一是一首

徐枋一首

張若羲五首

劉曙一首

葛一龍五首

張廷立一首

朱茂暉一首

朱茂曙二首

馮鼎位四首

黃伋一首

朱隗一首

卜舜年一首

邵德生二首

邵濂一首

李肇亨一首

潘一桂一首

施武三首

屠應韶一首

朱樵三首

繆師伋一首

陳鴻一首

章志宗一首

吳孺子二首

徐斗支一首

李廷昱二首

宗泐九首

來復一首

廷俊一首

德祥四首

如蘭二首

道衍三首

淨倫二首

明秀三首

普泰一首

文湛二首

法聚一首

宗林一首

宗倫一首

洪恩一首

德清四首

法杲三首

智舷一首

天遂一首

圓暎一首

通允一首

知證一首

寔訥一首

性琮一首

讀徹二首

契靈二首

明河六首

畝可一首

孟淑卿一首

鄒賽貞一首

潘氏四首

馬閒卿一首

端淑卿一首

斗娘二首

楊文儷一首

董少玉二首

周潔三首

朱德璉一首

袁九淑一首

張引元一首

林姪一首

尹紉佩一首

梅生一首

王氏三首

黃淑德一首

項蘭貞五首

方孟式一首

方維儀二首

葉小鸞一首

張倩倩一首

沈華燧一首

劉雲瓊一首

項佩一首

紀映淮一首

黃媛貞一首

吳靜婉一首

趙燕如一首

徐翩翩一首

趙彩姬三首

朱無瑕二首

鄭如英一首

景翩翩十一首

周文七首

梁小玉二首

呼文如二首

王微六首

顧娟娟一首

張叟一首

屠生一首

南靖老人一首

吳下人一首

無名氏八首

小水人四首

冬橘一首

莆田女鬼一首

僕遜一首

鄭夢周一首

李穡一首

李詹一首

成石磷一首

李希輔一首

蘇世讓一首

沈彥光一首

申光漢一首

崔壽城一首

鄭碣一首

姜克誠一首

金淨一首

趙媛妾李氏一首

許景樊三首

中秋

月華冷于霜水白已成路宿鳥靜不鳴羽毛紛可數
九日

劍戟帶霜雪客星似水間歌殘席已散秋葉滿空山
愁人未成眠明月呼不起一雁叫長天睽孤亦如此
方逢年

乳洞口水碓

陟阿采玉芝浮澗拾瑶草野碓竟日舂誰識是龍腦

倪嘉慶

五言驟雨

雨驟泉聲急雲涼樹色濃不知何處寺忽送一聲鐘

寓意

蕭士瑋人賦詩一會春風盡西入沙與芥味直

誅茆宜楚地無如廬阜美五步一溪雲十步一溪水

馮一第

野望

江岸閒行處晴雲澹一天微風生遠樹吹送渡頭船

拜來臘月夜取惠泉烹茶

瓶貯冰雪性爐試蟹松聲手底喬雲影香分月氣明

陸寶

周斗文自易水歸縱談燕太子及荆高遺事慨

再讀燕然賦此悲具水

每讀燕丹傳長悲易水遙聽君談往事風起復蕭蕭

周應儀

爛溪二首

明月溪邊路秋風溪上船船頭何所有滿把水中蓮
我家爛溪邊出門即溪水秋來溪水深處處菱歌起

趙宦光

登華山

鳥道縈紆上深林幾折盤支公此銷夏五月晚猶寒

朱鷺

過曹氏園值玉蘭盛開

花光何璀璨八牕搖一色春風過酒人忻與花相值

徐弘澤

題畫贈李尚寶

風卷長蘆晚雲開積水明沙邊雙白鳥逐我釣船行

殷仲春

湖上岡

桑柘隱斜日獨登湖上岡誰人攜小榼載酒出菰蔣

葛徵奇

題畫芙蓉

秋來煙水多蘆葦渺難即愛此江上花日坐雙瀉瀉

吳載鰲

姜給諫以五羊石見貽賦謝

文饒平泉莊有石自言好何如初平羊眠雲齒瑶草
龔士驤

惜取

惜取檐前葉休教落地輕夜牕留聽雨葉葉是秋聲

王章

讀書篁川偶詠

竹裏起茶煙白雲堆滿屋何處桔槔聲園丁灌花木

王與胤

對瓶梅作

鄉思那可禁况復逢驛使念我欲歸時已結垂垂子

王養正

對菊

仙人授錦囊中有百年草本是駐顏丹人間不知寶

徐柏齡

江信寺文信國祠

孤嶼浮江面寒潮撼石根遥遥箕尾外何處可招魂

顧咸正

上方巖

層層白雲堆石屋架其上鳥雀靜不喧半空人語響

堵脣錫

山路

入山處士住出山處士去深樹滿成陰不識家何處

蔡道憲

歲暮

美人無信至歲暮江梅白家住嶺西東何處寄相憶

馬踏夜城望南郊燈火疑為馮根公郭幼隗讀

書處

好月霜難下高城獨馬看遙憐山影外人在剔燈寒

方以智

酒樓贈燕人

燕客善彈箏悲歌舊有名近來離別易不畏斷腸聲

金堡

載菴

落葉平坡外騎牛古寺還一回風雨過幾幅米家山

風來高承挺詩如吳中樹樹土亦無對鸞飛無卦盡

蔭且主臥疾遣懷兼荅親知見存銷意葉葉向隲干

往事憑詩史新愁負酒徒故人音信斷何處覓柴胡

沈中柱當世說詩如燭陣羅蘇蘇良俗者無能息

密陰紫重九一土一回戰羊凱六世世吾計日幾却

川靜晴郊迴山明宿霧收空庭來返照惆悵一登樓

朱一是

曾開東瀋溪

瀋溪雖蕭條景物故鄉美春日對春山秋風蕩秋水

徐枋

印選月詩

卷一百

金堡

高承挺

沈中柱

五

懷友

細雨寒江路疎燈獨夜舟故山今寂寞為訪玉峯秋

張若義

搗衣

馬上客衣單途中書信難別離秋易早堦前露不乾
密網縈蛛絲一上一回遲羊腸九折坂君行已幾時
寂寞支機石當堦鳴促織輕羅穩稱身欲寄無消息

秋夜

新月上林端林端白露溥芭蕉不解意葉葉向欄干
風來莫亂吹搖我庭中樹樹上有鳥棲驚飛無住處

劉曙

詠蓮房

十三歲作

出水芙蓉色娟娟不異花療飢還療熱菱芡未須誇

葛一龍

桃花源

一澗入蒼煙千花繞澗邊花開與花落流水送流年

松墩

甃石亂無次高高積寒翠一鶴懶應門每來松下睡

東村

曾聞東園公住此不復出年年開白花猶是漢時橘

偶作

山中春雪消澗底寒泉響谷口無人行嶺頭明月上

張氏隱居
老臥空山裏窮交若箇存風吹春草長麋鹿到柴門
曾聞張廷立

賦得蛺蝶花上蛺蝶

飛飛復飛飛雙起復雙棲料得影相似惟他蜂亦迷

朱茂暉

虎山橋

霽雪東西崦寒雲上下沙何人吹玉笛早有落梅花

朱茂曙

秋曉

棲鴉樹杪啼促織籬根語不見拘花人秋露濃如雨

鶴洲對酒

已收橋下釣復此石上酌百尺凌霄花紛紛落紅萼

馮鼎位

西風書題畫二首

遠水波澹澹平林煙漠漠高閣置懸崖坐聽泉聲落

芳齋蔭隄柳古寺隔江村日坐渾無事青山恰對門

題畫蘭

芳蘭在幽谷宛宛風前姿何處思公子湘江日暮時

朱登吹臺

樹杪涼颼起披襟獨倚樓落霞飛片片猶帶舊時秋

黃伋

題畫

秋霽愛登臨歷歷亭臯路不學米於菟模糊雨中樹

朱隗

月艇歸帆

入浦風漸微蒲帆不須落秋光何處多煙月溪邊閣

卜舜年

湖上送別

西風奮枯林潮沸盛湖晚淚眼對殘陽看君行漸遠

邵德生

夜度清遠峽

枕上不見山但聞水聲駛自非山百尋水急那如此

楓亭

草樹隨方別楓亭故有楓故鄉烏白樹霜色更深紅

邵濂

梳髮

髮白真堪惜蕭蕭可奈何西風吹病樹殘葉苦無多

李肇亨

西冷寓室

露氣橫疎柳香風送晚荷不知潮面闊止覺四山多

潘一桂

龍潭道中

疊嶂深藏日連峯共隱天小舟如雁許歷歷下江川

施武

烏雅關

朝上烏雅關暮下烏雅關老烏啼啞啞行人還未還

關索嶺

高嶺呼將軍將軍祀其上行人仰望時白雲隔千丈

相見坡

上坡面在山下坡山在面相見令人愁不如不相見

屠應韶

贈歌童

弱質偏姚冶清歌意獨新未須聞別調梁上已飛塵

朱樵

落葉

綠葉影重重秋來逐轉蓬自無依樹力莫謾怨西風

木芙蓉

西風著岸吹木末發光彩寄語有情人憑君涉江采

春暮苦雨

楊花池上飛燕子梁間語從此送春歸能消幾番雨

繆師伋

天無一九日

黃菊東籬下還逢九日開今朝尊酒盡無復白衣來

陳鴻

題田家壁

印選月詩

朱樵

繆師伋

陳鴻

乙

十畝五畝園三株五株樹荷鋤日暮歸犬吠門前路
章志宗

閒述

天無一片雲萬里清如水孤月自空明我心亦如此
吳孺子

江上

新月淡煙霏江花冷照衣無人山犬吠隔竹掩荆扉
閒居

積雨暗空林濕雲飛不起日暮烏鵲喧幽人不得語

徐斗支

歸舟寄朱子蕃

春江自蜀來半是岷峨雪千里下江陵山山響鶻鳩

李廷昱

半山聞鶯

一路籃輿穩山行日欲西藤花開未盡隨處有黃鸝

言別

夜值芭蕉雨時當鄠杜秋匆匆無一語相視上孤舟

宗泐

山人木題厓瀑圖

飛瀑洒寒冰危梁跨碧層天涯圖裏看頭白未歸僧

晚涼

晚涼池上亭坐來心似水雨過竹林青風吹豆花紫

山景

孤村帶寒鴉遠山涵夕霧渡頭人未歸落日風吹樹

水竹居圖

山人水竹居畫圖看更好十年不歸來茅屋秋風老

秋江送別

江頭楊柳樹秋雨更蕭蕭可惜長條盡那堪折短條

蓮社鐘

方深區內緣久負社中約惆悵暮鐘聲徘徊度林薄

梅花莊水軒望清遠不至

望君水軒西恨殺前村樹日暮溪雨來扁舟在何處

湘皋煙雨圖

翠袖湘江曲秋林淚點斑冥冥煙雨裏不見九疑山

次白以中西塘即景

落日雞鳴埭何人射雉回北湖山月上相送暮鐘來

來復

雨屢來過越王臺

人道耶溪好青山罨畫開荷花三百里無數白鷗來

山北廷俊

題畫蘭

綠葉微風際清香小雨餘湘江春水闊愁殺楚三閭

德祥

故宮井

上有千尺桐下有千尺井風吹井上桐零落井中影
題桃花小禽圖

簷外雨初晴幽禽四五聲桃花無限思留客看清明
荅香光居士

山北山南住雞聲隔一峯新詩忽寄到猶勝一相逢
許起宗見過

雨氣來山北茶香過竹西芙蓉花發處明日約扶藜
如蘭

題竹
一夜竹窗雨秋聲入夢聞都將枝上淚灑徧九疑雲

雨澗牛
溪岸野橋橫烏犍帶犢行無人挂書讀雨外候春耕

道行
題秋寺晚晴圖
猿將朔吹哀雲帶溪流駛相送獨歸僧蕭蕭夕陽寺

聞雁
鳴雁為離羣餘哀度水雲那知故鄉夜亦似客中聞

山中見王昉
身外留黃犢山中畊白雲不隨樵子去無路得尋君

淨倫
松陰小憩

風來石上松僧坐松下石洗鉢將煮茶溪流漾晴碧

古佛巖

蒼松蟠古巖洞門鎖幽谷但逢掃葉僧不見銜花鹿

明秀

西巖夏日

窰盤春雨中筍味殊勝肉數日不窺園南風吹作竹

絕句

人坐秋樹下月在秋樹上苦吟落葉空瘦影自相向

題墨山扇圖

遠嶼孤煙起林亭落日虛青山半江影竹裏照殘書

普泰

韓亞卿德夫去官還陝

秋日泊沙灣君行早晚還分違無限意流水不相關

文湛

春盡

斜陽穿樹林野屋臨溪水春盡不開門花落空山裏

一雨山江上

江頭落日明江上西風起歲歲芙蓉花開落秋江水

法聚

江村

殘陽在木末遠鳥下孤嶼漁舟歸未歸吹笛芙蓉渚

宗林

春日

掃地心已淨讀書門懶開碧桃花落盡猶未覺春來

宗倫

旅懷

東吳隔千里歸計尚茫然忽見梅花發他鄉又一年

洪恩

雨過即事

一雨山如沐垂藤覆深屋不見踏花人窗外生新綠

德清

題畫小景三首

流雲覆春山輕寒凍欲坼何處踏青來歸時月華白
煙樹春雲綠江天落日紅不知何處醉歸向月明中

風雨孤舟夜微茫草樹春茅簷驚犬吠定是渡江人

再過小金山

漁火夜深白沙雞清晝喧江空人境絕長日掩柴門

法杲

山居詩

四窗鳴磬聲一座春雲影千載寂無人六月猶嫌冷
昨接左溪書已成巖穴志著笠舉鋤頭學幹山中事
碧天寒已深晚露樹沾濕鳴蟬訴夕陽不道秋風急

無事智舡閒

秋日山中

落木空殿深夕陽下山徑澗戶松風寒獨夜鳴孤磬

天遂

閒泛

無事亦波間孤舟覺自閒樹邊春霧斂尖露幾重山

圖暎

宿蓮花閣

家山知遠近身臥與雲平數載未歸意一樓風雨聲

通凡

村居

竹間獨立時涼風自相接回顧碧池中蜻蜓踏萍葉

知證

閒居

香徑蘚花生陰檐藤葉綠日長不耐閒行溪看鷗浴

實訥

曉行

東林初日上羣壑開霽色樵夫先入山霜草見行迹

性琮

夜坐

新涼微月上雜坐小庭前莫更燒明燭飛蛾絕可憐

讀徹

入林

入林不知深但覺衣裳冷新綠滿空山低頭不見影

雜詩

天氣秋晚晴坐看西山色前溪有故人草深行不得
契靈

山居二首

屈曲山路長曾不見車馬鳥啼落日黃處處逢樵者
懸厓老樹枯樵斧不敢割亂挂猢猻藤不知幾千尺

明河

絕句

二月山容醒林端別有香心知春尚早蜂蝶一齊忙

山居詩五首

東溪信非遙咫尺籬門外橋頭看落花昨日鶯聲在
送雨風無力流花水不情啼春枝上鳥今日更分明

屋後山疎秀門前水清淺朝來何處風吹落浮雲片
塢深不見人樹杪青峯隋若箇採松花隔林應喚我
短日催身老長吟奈病何暗消心事盡新識藥名多

同謙受枕上

枕邊不計程驛路如可記一樣夢還鄉多子五千里

孟淑卿

題畫

嶺樹盤雲上溪迴路轉斜晚來煙靄合何處問山家

鄒賽貞

鷺鷥小景

聯拳屬玉兒飛向磯頭立秋寒雪不消點破江天碧

潘氏

重陽

獨坐小窗下幽蛩不絕鳴青天孤月靜滿耳是秋聲

秋月

園亭當水中兩岸蘆花雪夜深人未眠碧水蕩秋月

江上

江上水正平日照西江口遠樹一尺長岸闊風吹柳

蓮塘

溪水流東去垂楊對我門淒涼斷橋路殘月照黃昏

馬間卿

暮秋

野色滿園中閒情立晚風菊花含雨艷楓葉醉霜紅

端淑卿

採蓮

風日正晴明荷花蔽洲渚不見採蓮人只聞花下語

斗娘

送夫四絕句

錄二首

遠逐風塵路遺書滿目愁思君不成寐月上看牽牛

寂靜聞天籟愁眠恨夜遲遙憐江海別殘月夢君時

楊文儷

採蓮女

若耶採蓮女日出蕩輕橈慣識谿中路歌聲入畫橋

董少玉

憶別

憶別河橋柳青青送馬蹄妾心與羌笛無日不遼西

寄夫在岢嵐

流落客邊州刀環在馬頭莫憐楊柳色管取只封侯

周潔

秦淮

秣陵無處望灘水正前流何不教東下將心到石頭

夢還京

自去長干側終年桂嶺西新秋望鄉處無奈白雲迷

憶父

憶昔當殘臘還家雪正飛三年無一字不忍見鴻歸

朱德璉

偶題

偶聞淶水曲欲託黃金徽絃手不相應心隨別鶴飛

袁九淑

閒居雜書示王孫

操杵力不任當壚心自鄙花時掩關坐焚香讀秋水

張引元

賦得白裡白

鶴步瑤階淨螢飛星漢斜玉人褰素幙和月折梨花

林姪

詠鳳仙花

鳳鳥久不至花枝空復名何如學葵蕊開即向陽傾

尹紉佩

雨後江望

雨後水更明秋風漸漸聲寒天白露滿江上曉煙橫

梅生

寄外

落葉滿庭階秋風吹復起遙憶別離人寂寞何堪此

王氏

綵燕二首

方寸明光錦閨中剪綴工不須春社到安坐粉香叢

貌得烏衣族春纖點艷粧時隨步搖影行坐共韶光

中秋後一日

宇碧淨秋煙清閨思渺然如何今夜月不似昨宵圓

黃淑德

客中聞子規

陌上柳條新逢春倍惜春忽聞啼杜宇愁殺未歸人

項蘭貞

寄慰寒山趙夫人

落葉驚秋早斷鴻天際聞遙思鹿門侶愁看嶺頭雲

步月二首

御選明言 卷一百 方孟式
步月下庭除
螢飛花影側
露下不知寒
鳴蛩動秋色
步月下庭除
青苔印鞋濕
行吟月轉西
覓句還獨立

秋夜

靜夜砧初動
涼風雨乍收
一鈎新月上
應照故園樓
舟中晚眺得青字

片帆天際闊
落日遠山青
隱隱風前笛
行人不忍聽

方孟式

春怨

隻影淡煙籠
杜鵑枝上紅
梨花風雨後
人在月明中

方維儀

過石磯

巉石迴岸曲
碧葉生秋樹
朝朝欵乃聲
不識江中路

北窗

香風吹入簾
臺畔花如雪
遙憶故鄉琴
無聲對秋月

葉小鸞

春日曉粧

攬鏡曉風清
雙蛾豈畫成
簪花初欲罷
柳外正鶯聲

張倩倩

詠風

蕭蕭竹徑鳴
捲幔如有情
木落寒山裏
千林共一聲

沈華鬘

春日憶瓊章姊

粉蝶戲蘭叢桃花似面紅東風吹不定飛向玉階空
劉雲瓊

春閨

百舌五更啼啼聲驚繡闈王孫歸未得芳草自萋菲

項珮

社日

過雨春泥白斜飛燕尾纖恰停鍼綫坐自起爲鈎簾

紀映淮

絕句

杏花一孤村流水數間屋夕陽不見人牯牛麥中宿

黃媛貞

聽雨

長夜一燈炆獨愁誰與言牕前幾點雨井上芭蕉翻

吳靜婉

別思

西崦雨未收東崦風又作留住綠蓑衣莫與篙師著

趙燕如

荅人寄吳箋

感君寄吳箋箋上雙飛鵲但效鵲雙飛不效吳箋薄

徐翩翩

江陰送顧太學

一日發江口五日下長洲可惜送君淚不隨江水流

趙彩姬

中秋對客

月從今夜滿秋向此時分莫惜金尊數清光喜共君

送王仲房還新安

暮雪江南路孤城尊酒期殷勤折楊柳還向去年枝

燕來

獨坐掩羅幃愁看雙燕飛思君不如燕一歲一來歸

朱無瑕

芭蕉雨

滴破愁中夢聽殘葉上聲新詩題未得偏送別離情

賦得霜上月

夜色涼如水霜華共月明誰招青女出來伴素娥行

鄭如英

留秋送劉冲倩

我欲留秋住寒衣不忍裁歸期何用速尚有小桃開

景翩翩

閨情四首

飛飛雙蛺蝶底事過鄰家鄰家海棠樹春來已見花

憶自折楊柳長亭贈玉驄如今楊花白日日解隨風

夜靜還未眠蛩吟遽難歇無那一片心說向雲間月

窗前六出花心與寒風折不是郎歸遲郎處無冰雪

與蘇生話別

御選日言 卷一百一
十日平原酒三秋江上船一經搖落後明月幾回圓
月出人未來月缺人已去好共借餘輝相求直至曙

寫蘭二首

道是深林種還憐出谷香不因風力緊何以度瀟湘
但吹花信風莫作妒花雨我欲采瑤枝挽得同心住

風雨

風雨滯殘春豈但梨花悶夢裏萬重山壘起江南恨

三月即事

三月春無味楊花惹曉風莫行流水岸片片是殘紅

野外

曉雨泉爭響春山鶯亂啼流雲兩三片移過石橋西

周文

重詠懷

幾點愁人淚不許秋風吹吹到長江裏江流無盡期

王有懷二首

捲簾何所思獨立數歸鳥不恨落日遲惟憐君去早
醉罷見明月照我還照君如何君不見只見天邊雲

暮春四首

曾共看花發無端又落花春歸君亦去誰與惜年華
鳥聲泣暮雨蝶夢遶東風花落不堪問春光半已空
坐起愁如織空齋但寂寥不關風雨妬春色為誰凋
堪嗟分手日春色冷湖頭柳絮空飛盡長條轉繫愁

梁小玉

雜詠二首

松響翻清籟，泉聲浣俗塵。白雲堪贈客，明月解留人。
霜杵春清骨，風燈颺夢思。空山懸雨處，斷浦落雲時。

呼文如

以詩訂丘生前約

流水郎車馬，垂楊妾髻絲。春江他自好，一一入相思。

王微

別窗下蕉

窗外重重碧，雨餘密密栽。似知明日別，不展寸心開。

探梅

故人辭我去，期我梅花時。昨夜偶相念，起看庭樹枝。

怨梅

庭樹亦如昨，故人來何時。花花自蚤發，偏爾獨開遲。

代梅荅

寄語問花人，歲月那能借。爾意怨遲開，儂意憐遲謝。

月夜留別馮夫人池上

愛君池下影，特來池上眠。落花映修竹，靜起一簾煙。

送遠

爾別何所游，月明江上舟。異日思君處，憑欄看水流。

顧娟娟

贈別

南國相思子西番篤耨香留君充雜佩休賭紫羅囊

張叟

秋思

江上芙蓉開江上芙蓉謝開謝總秋風江流無日夜

愛吾屠生

題西子祠辭

紅粉溪邊石年年漾落花五湖煙水闊何處浣春紗

南靖老人

題辭

青青千里草隱隱獨家村日暮客投宿山深虎守門

吳下人

絕句

僕夫不識路踟躕道傍久寒風吹衣襟落日照馬首

無名氏

贈老僧

南潯祇園寺詩

清溪通笠澤地以水為鄉竹青三日雨僧白一頭霜

仙人洞

以下五首見昌平州志

石洞宵且深花落無人埽仙翁去不還何處尋瑤草

虎谷

虎谷名金山客行初未識日午山下過人面黃金色

銀山

銀山本在北萬丈青雲梯曉見居庸雪銀山忽在西

龍泉

瀾瀾山下泉滌洄白如玉清以濯吾纓濁以濯吾足

安濟橋

石梁跨飛虹水清魚可數莫謂非通津亦有江南估

題西山清涼寺壁

見長安可游記

山僧汲空潭驚起二龍子百里雲冥濛三日雨不止

題西山水盡頭

見青鞵踏雪志

雙流泱泱鳴石根失其一棄糠於此中應從玉泉出

小水人

壁上詩六首

錄四首

妾住小水邊君住青山下青年不可再白日坐成夜

薄情君拋棄咫尺萬里遠一夜月空明芭蕉心不展

解下羅裙帶無情對有情不知妾意重只道妾身輕

月色照羅衣永夜不得寐莫打五更鐘打得人心碎

冬橘

秋夜吟

幽蛩響寒砌白露墮寒石獨立看月明不覺羅衣濕

莆田女鬼

別梁生

側側復力力與君長歎息出入自苦愁單情還相憶

僕遜

山雨

一夜山中雨風吹屋上茅不知溪水長祇覺釣船高

鄭夢周

偶題

赤葉明村徑清泉漱竹根地偏車馬少山氣自黃昏

李穡

灤浦弄月

日落沙猶白雲移水更清高人弄明月只欠紫鸞笙

李詹

雜詠

舍後桑枝嫩畦西薤葉稠陂塘春水滿稚子解撐舟

成石磷

送人之金剛山

一萬二千峯高低自不同君看日輪上何處最先紅

李希輔

次唐修撰夜宿太平館醉起韻

雄辭海生波醉墨鴉翻僻無使我公歸於焉作佳客

蘇世讓

太平館次韻

望眼山連北歸心月向西羈魂與別恨愁殺五更雞

沈彥光

太平館次韻

春鳥花邊啼暮鴉樹頭宿何事遠游人不秉良宵燭

申光漢

暮景

樹密深濃翠孤煙淡作雲前村聞犬吠暗路艸中分

崔壽城

驪江

日暮滄江上天寒水自波孤舟宜早泊風浪夜應多

鄭碣

聞笛

迢迢沙上人初疑雙白鷺忽聞橫笛音寥亮江天暮

姜克誠

湖堂早起

江日晚未生蒼茫十里霧但聞柔櫓聲不見舟行處

金淨

村舍

水鄉豐德郡蕭寺遠浮煙地迴村燈近天垂水氣連

趙媛妾李氏

登樓

小白梅逾耿深青竹更妍憑欄未忍下為待月華圓

許景樊

效崔國輔

妾有黃金釵嫁時為首飾今日贈君行千里長相憶
春雨暗西池輕寒襲羅幕愁倚小屏風墻頭杏花落

雜詩

精金明月珠贈君為雜佩不惜棄道旁莫結新人帶

天祥

長安春日作

何事長安客春來思易迷樂游原上草無日不萋萋

蘇東坡

御選明詩卷第一百

金瓶

日如未主發紫十里霧回間柔翰卷不長舟行波

御選明詩卷第一百一目錄

七言絕句一

劉基二十六首

宋濂三首

陶安五首

章溢一首

王禕一首

汪廣洋二十九首

蘇伯衡一首

危素二首

張以寧八首

鮑恂一首

詹同三首

袁凱二十二首

高啓六十九首

楊基二十首

張羽十首

徐賁十六首

陳則一首

王行二首六首

呂敏一首

錢用壬一首

御選明詩卷第一百一

七言絕句一

劉基

題小景西

江頭日日起西風
江樹驚寒葉變紅
天淡雲低何處雁
一行飛下荻花中

香盡空過蘇州

姑蘇臺下垂楊柳
曾為張王護禁城
今日淡煙芳草裏
暮蟬猶作管絃聲

陌上清歌最可聽
誰知此是斷腸聲
就中更有楊枝曲
恨殺昏鴉及曉鶯

虎丘山下月朦朧閶闔門前動地風子夜一聲琴一闋
杜鵑聲在碧雲中

暮戰前夜坐

露泣寒螿咽斷魂風驚簷鐸語黃昏羈愁悄悄成危坐
看盡空牆上月痕

一詩無寐

夜長無寐待鳴雞及至雞鳴夢却迷驚起朝陽斜照屋
一眉殘月在天西

有感

物換星移事已迷重來舊處惑東西可憐如鏡天邊月
獨照棲烏半夜啼

鴻雁來時月滿天客途僮僕自相憐荒村觸眼惟茅屋
榆柳蕭疎起暮煙

黍穗高低菊有華塵居恰似野人家夕陽日向西牆過
只為微生換歲華
漫漫陽春不見秋人生得意總忘愁茱萸謝盡芙蓉發
清夜吹笙月滿樓

春日雜興

雨隱滄江霧隱山鄉關迢遞寄書難病來只盼春風到
不擬春風曉更寒

日出江空曉氣柔白蘋風起渚煙收夜來一餉三更雨
送盡飛花入海流

漫成

微涼秋袂一登樓
落照歸鴉點點愁
誰似孤雲獨無事
隨風直到海西頭

不雨遣悶

池上芹泥即漸乾
梁間燕子拾蟲難
綠窗無限傷春意
看盡斜陽更倚闌

題畫魚

為愛濠梁樂有餘
故拈兔穎寫成圖
秋風忽憶銀絲鱸
腸斷松江隔具區

題沙溪驛

澗水彎彎繞郡城
老蟬嘶作車輪聲
西風吹客上馬去

夕陽滿川紅葉明

過閩關

關頭霧露白濛濛
關下斜陽照樹紅
過了秋風渾未覺
滿山秔稻入閩中

峻嶺如弓驛路賒
清溪一帶抱山斜
高秋八月崇安道
時見棠梨三兩花

建溪激箭向南流
石齒如鋒鬪客舟
篙子踏歌渾不畏
行人遙望替生愁

漠漠輕雲結晚陰
依依斜日掛遙岑
炊煙忽起桑榆上
散作鮫綃抹半林

秋日即事

御選明言 卷一百一
秋風吹雨冷脩脩
堦下金錢爛漫愁
鴻雁不來巢燕去
草蟲辛苦獨知秋

春華秋草兩悠悠
素髮多情却滿頭
落葉自隨流水去
遠山空帶夕陽愁

垂垂密雨驪修楊
點點青苔繪短牆
不是雁聲天畔過
爭知今日是重陽

掛壁青缸照不眠
相看到此亦堪憐
露寒霜重殘螢盡
腸斷秋風憶往年

槿花數樹夕陽時
收拾秋光在短籬
自紫自紅還自碧
祇應獨有暮蟬知

北風吹雁過蕭蕭
旅館青燈共寂寥
蓬鬢一時成白雪

老來禁得幾秋宵

宋濂

題長白山居圖

滿地園林稱隱居
燕泥污我讀殘書
五更風急鳥聲散
時有隔花人賣魚

宜興強如心避地
而歸扁其居曰復初齋
來徵

鍾典予詩出山

昔日攬槍照五兵
今歸喜得見時平
春風綠酒扶殘醉
斜立官橋聽早鶯

寄別

別來虎豆又生牙
尚在揚州賣酒家
醉後清狂應不減

御選日言 卷一百
起拈花彈打鳴鴉

陶安

題畫

鼓罷瑤琴策杖還空山
流水聽潺潺夕陽林外風塵起
輸與先生不出山

為劉博士題畫

峭壁危峰護紫霞
讀書聲在鄴侯家
靜凭窗几閒觀物
無限春光在杏花

晚山

翠剪雲頭萬朶花
樹梢殘雪伴棲鴉
寒風吹得蒼煙斷
露出茅茨一兩家

次安慶

城樓三面碧迴環
掠過煙波棹不閑
認得客途曾到處
亂雲堆裏大龍山

訪梅

山市凌寒特為梅
霜清綠萼未春開
莫愁獨立無人見
勾引詩翁兩度來

章溢

為胡仲深詠桃花馬

硃砂染瓣色重臺
勾引春風上背來
慎勿解鞍橋下浴
恐隨流水入天台

王禕

蘭州

洮雲隴草都行盡路到蘭州是極邊誰信西行從此始
一重天外一重天

汪廣洋

汪口渡捕魚者

芳草渡頭歌竹枝晴天小艇放鷓鴣比鄰為報春醪熟
自起持魚貫柳絲

蘇溪亭

蘇溪亭上草漫漫誰倚東風十二闌燕子不歸春事晚
一江煙雨杏花寒

臨溪橋

石磴盤盤臥濕雲山深瑤草不知春馬頭忽見梅如雪
縱有輕寒不著人

題宋徽宗雙鴛圖

蘆葉青青水滿塘文鴛晴臥落花香不因羌管驚飛起
三十六宮春夢長

江上

大山小山松樹齊千聲萬聲子規啼攬衣起舞夕露下
三更月落吳城西
象牙灘上百花開參差時復見樓臺翠香芹菜綠沙出
雪色鮭魚上水來

寫興

謝豹花開滿嶺紅空蒙曉雨濕春叢看山不盡行人意
處處東風啼郭公

江上四首

歸路貪行不覺多館夫連日棹江波滿船爭唱湖州調
兩岸雲山側枕過
小姑南岸對彭郎天劈雲崖峙兩傍日暮驚濤沒沙尾
江流較比去年強
順風全不廢簞牽把柁沿江穩放船指點大龍山色近
皖城只在水雲邊
櫂歌齊發浪聲喧池口東邊又換船秫酒發醅偏醉客
鮒魚出網不論錢

朱伯微自溪南携酒至婺源山中兼示垂絲海

棠醉中求賦

一自朝雲委路岐春風吹夢託游絲內家叢裏分明見
彷彿盤旋立舞時
東家蝴蝶愛悠揚不肯輕飛過短牆賸買麝煤千百斛
暖熏濃抹到沈香
舞罷霓裳不耐嬌口脂微動酒初潮玉闌西畔春如海
擬倩東風整翠翹

夜泊揚子橋

揚子橋頭夜泊船水波纔定月初圓不眠細數經行日
笑隔東風又一年

寶雞縣

渭河霜滿水如苔一縣人家半草萊
唯有秋風酸棗木淡煙深鎖鬪雞臺

登胥江驛亭

小閣開簾望遠岑暖風晴日轉幽禽
胥江流水清無底較比春愁一樣深

嶺南雜錄

一劍南來兩鬢星肩輿隨處看丹青
豈知庾嶺梅邊客却上交州海角亭
島嶼潮來日欲曛聲牙蠻蛋動成羣
挈舟盡入沙灣泊為避犁頭海上雲

海濱朝夕易炎涼濕氣蒸人沁薄裳
昨日崖州有船到滿城爭買白栴榔

石鼎微熏茉莉香椰瓢滿貯荔枝漿
木棉花落南風起五月交州海氣涼

牂牁流水碧潺潺潮落潮生草木閒
一片海雲吹不起越人遙指是匡山

雁翅城東湧怒濤外洋水長蜚船高
莫言昨夜南風急今日登盤有海螵

越鹽如雪賽吳鹽諸蒨初肥竹筍甜
何事眉山蘇太守只將雙蟹較團尖

村團社日喜晴和銅鼓齊敲唱海歌
都道二年生計足

五收蠶繭兩收禾

番禺南望渺煙波怪底魚龍出反多頃刻風霆飛白晝
黑雲拖雨過牂牁

榕樹陰陰集暮鴉竹深人靜似仙家芭蕉小苑垂雙實
茉莉南州壓萬花

登南海驛樓

海氣空濛日夜浮山城纔雨便成秋馮唐頭白懷多感
倚徧天南百尺樓

晚過清河驛

逝流西望渺如煙黃帽齊將百尺牽日暮雨來風浪惡
隔河搥鼓換官船

蘇伯衡

即日

午門同出獨歸遲立斷銅壺漏下時添得綠荷千萬柄
雨聲強半在西池

危素

題宋好古墨竹

我憶東曹粉署郎琅玕寫就拂雲長祗疑散步雲林曲
獨聽秋聲待晚涼

題趙子昂竹石

叢篁偏映寒雲色古石猶凝碧苔痕曾是碧瀾堂上月
獨臨茗水照王孫

張以寧

次翰林都事拜住春日兄寄韻

日高睡起小窗明飛絮遊絲弄晝晴忽憶金河年少夢
柳陰騎馬聽流鶯

棠梨幽鳥

揚州舊夢隔天涯曾醉春風阿那家幽鳥豈知人事恨
依然啼殺野棠花

梨花錦鳩

一枝新雨帶啼鳩喚起春寒枝上頭說與朝來啼太苦
洗妝纔了不禁愁

過桐廬

江邊三月草淒淒綠樹蒼煙望欲迷細雨孤帆春睡起
青山兩岸畫眉啼

過崇安宿赤石水澁不下舟

兩岸青山下建溪筍輿軋軋坐雞棲人間最是吳兒樂
一枕清風過浙西

有感

馬首桓州又懿州朔風秋冷黑貂裘可憐吹得頭如雪
更上安南萬里舟

泊沽頭

楚客歸心河水流三更月暈長年愁沙河雨漲催開閘
半夜櫓聲無數舟

遇故人胡居敬臨江府送至新淦

翠竹蒼松映白沙清江西畔是君家明年歸路重相問
分食東陵五色瓜

鮑恂

盛叔章畫

煙濕空林翠靄飄渚花汀草共蕭蕭仙家應在雲深處
祇許人間到石橋

詹同

題水殿納涼圖

湖上闌干百尺臺臺邊水殿倚雲開紅橋人隔荷花語
玉盃金盤進雪來

舟過黃陵廟

黃陵廟下倚船窗水淺沙平屬玉雙山外斷雲寒日晚
半篷殘雪下湘江

入峽

黃牛廟下水如弦白狗峽中數尺天百丈牽春上巴蜀
巖花無數照江船

袁凱

題吳王納涼圖

微月斜侵響屨廊芙蓉清氣滿金塘鴛鴦只傍闌干宿
也愛君王水殿涼

陪鄭明德倪元鎮遊天平山

御選明詩 卷三百
官河春水綠悠悠水上人家盡畫樓買取吳娃三日酒
放船直到百花洲
高臺千尺對層巒只許吳王醉裏看山色不隨勾踐去
遊人還得倚闌干

題龍江酒家二首

金陵美酒玉光浮父老相傳最解愁安得身無官府事
長年高臥竺家樓
江上青帘映白沙壚頭美酒玉無瑕李白當年曾醉此
桃花落盡不思家

揚州逢李十二行

與子相逢俱少年東吳城郭酒如川如今白髮知多少

風雨揚州共被眠

淮西夜坐

蕭蕭風雨滿關河酒盡西樓聽雁過莫怪行人白頭盡
異鄉秋色不勝多

李陵泣別圖

上林木落雁南飛萬里蕭條使節歸猶有交情兩行淚
西風吹上漢臣衣

客中夜坐

落葉蕭蕭淮水長故園歸路更微茫一聲新雁三更雨
何處行人不斷腸

城西送鄧生

御邊明言 卷三
三
千山風雪正霏霏君去金陵幾日歸鳳皇臺上還吹笛
東望滄溟淚滿衣

寄三江王六秀才

滄洲荷屋晚秋時橘柚青黃滿戶垂安得扁舟趁潮去
醉看江雨散輕絲

送鄭老歸襄陽

我愛襄陽老鄭虔高樓吹笛動秋煙他時若有平安信
即寄江東估客船

憶南湖二首

我憶南湖春酒香百錢亦可解愁腸湖頭白藕猶堪愛
正似佳人玉臂長

南湖沈叟愛吟詩詩似當年杜牧之一日干戈不相見
令人雙鬢欲成絲

已未九日對菊大醉戲作

老夫愛此黃金蕊兒子須將白酒賒直到殘陽下天去
更添燈火照欹斜
遮莫鄰家酒已無教兒更往遠村沽老夫強健如平日
醉過三更不要扶

風雨宿蕭山

東來山郭晚秋時白酒黃柑興不衰欲倩山陰王逸少
為書風雨渡江詩

題老蛟化江叟吹笛圖

御選明言 卷三
吳頭楚尾老驄翁千里煙波有故宮日暮江亭不歸去
猶將玉笛倚秋風

城西送鄧生

東望滄溟涕泗垂閨中少婦亦霑衣他時若有相思字
只寄春江燕子歸

登閣

木落淮南秋色空閒登高閣送歸鴻白頭老婦癡兒女
盡在蕭條望眼中

過潯陽

夜泊潯陽江上沙扁舟何處載琵琶西風不管水流去
依舊滿汀開荻花

諸公携酒蘇臺餞別醉歸海上作此奉謝

吳王洲上百花開花下人人勸酒杯醉臥春江三百里
不知月過海門來

高啓

聞舊教坊人歌

渭城歌罷獨淒然不及新聲世共憐今日岐王賓客盡
江南誰識李龜年

山中別寧公歸西塢

一上香臺看落暉沙村孤樹晚依依老僧不出青山寺
只有鐘聲送客歸

秋柳

欲挽長條已不堪都門無復舊毵毵此時愁殺桓司馬
暮雨秋風滿漢南

送賈麟歸江上

別淚紛紛逐斷猿貧交無贈只多言離愁正似蘼蕪草
一路隨君到故園

秋夜同周著作宿婁浦

小解寒依竹浦雲酒闌相對說離羣一聲新雁誰先聽
今夜江南我共君

送呂卿

遠汀斜日思悠悠花拂離觴柳拂舟江北江南芳草徧
送君并得送春愁

春思

愁兼楊柳一絲絲客舍江南暮雨時自入春來才思減
杏花開過不題詩

入郭過南湖望報恩浮圖

雨過春波柳浪香布帆歸緩怕斜陽漁人爲指江城近
一塔船頭看漸長

登江閣遠懷徐記室與杜進士同賦

憑闌兩客怨斜曛此日同吟只欠君江閣雖高猶不見
幾重山水幾重雲

夏夜宿西園酒醒聞雨一首

飛蟲繞燭夢迴遲荷葉齊鳴雨一池不爲素紈猶在手

御選明言 卷五
定疑秋夜乍寒時
人睡蕭蕭院落空
未秋愁已怯
石桐夜長猶幸西軒雨
一半聽時在醉中

江上偶見

阿姬不畏晚寒多
綠舫紅衣柳下過
滿浦秋衣已零落
如何猶唱采蓮歌

過保聖寺

隔江寒霧隱樓臺
遠逐鐘聲放艇來
亂後不知僧已去
幾堆紅葉寺門開

期諸友看范園杏花風雨不果

欲尋春去怕春休
又值春陰不得遊
寂寞西園風雨裏

杏花比客更多愁

過山家

流水聲中響緯車
板橋春暗樹無花
風前何處香來近
隔崦人家午焙茶

晚過浦西橋

春水何長春日短
沙鴨交眠綠莎煖
晚過橋西不見人
野梅零落江梅斷

逢吳秀才復送歸江上

江上停舟問客踪
亂前相別亂餘逢
暫時握手還分手
暮雨南陵水寺鐘

次韻春日謾興四首奉酬外舅達翁

御選明詩

卷五 高啓

七

御選明詩 卷一百一十一
老去風情似樂天恨無張態抹朱絃一春酒病稀遊賞
啼鳥鶯花共悵然

水邊簾幙遠籠花遊女時時出浣紗記得橫塘沽酒處
畫船明月載琵琶
雨多池館草氍氍酒色寒銷舊舞衫燕子自憐花落地
殷勤長帶軟泥銜
菖蒲葉老芷花新地暖鴛鴦護水紋不上高樓無遠恨
江南春盡草如雲

春日懷江上
一川流水半村花舊屋南鄰是釣家長記歸篷載春醉
雲籠殘照雨鳴沙

偶睡

竹間門掩似僧居白芷花開片雨餘一榻茶煙成偶睡
覺來猶把讀殘書

舟歸江上過斜塘

漫漫村塘水沒沙清明初過已無花春寒欲雨歸心亟
嬾住扁舟問酒家

白傅湓浦圖

相逢淪落總天涯舟泊湓江近荻花逐客青衫自多淚
傷心不用怨琵琶

秋江晚渡圖

鷓鴣飛盡一洲蘋帆帶秋雲度遠津底事愁看畫中景

御選日言 卷一百一

過北塘道中

昨朝曾送渡江人
春水滿田如一湖
入田放艇看鵝雛
女郎祠下野花雜
老子門前沙樹孤
若欲看春春色稀
亂後何處有芳菲
晚鶯啼歇野寂寂
雙樹溪邊人獨歸

渺渺一徑兩陂間
楊柳初發水潺潺
驚魚忽散人影盡
啼鳥時來春意閒

夜雨江館寫懷

漠漠春寒水繞村
有愁無酒不開門
青燈畫角黃昏雨
客共梅花併斷魂

金徵士玫雨中見過留宿

莫辭同宿掩書幃
亂後蕭條故舊稀
預恐明朝風雨歇
滿江春水送君歸

效香奩二首

青瑣初空別恨長
繡茸留得唾痕香
簾前月出無人拜
只有秋千影過牆

開過東窗百葉桃
琵琶塵滿縷金槽
欲呼小子敲妝閣
誰出相迎放剪刀

江上逢舊妓

玉箏紅燭艷春羅
慣向高堂聽水歌
今夕相逢為重唱
孤舟江冷月明多

御選明言 卷一百一十一
平常歌舞不能閒多在青春甲第間借問年來還到否
朱門風雨幾家關

吳王井書效

曾開鑑影照宮娃玉手牽絲帶露華今日空山僧自汲
一瓶寒供佛前花

消夏灣

涼生白紵水浮空湖上曾聞避暑宮清簟疎簾人去後
漁舟占盡柳陰風首

將赴金陵始出閶門夜泊二首

烏啼霜月夜寥寥回首離城尚未遙正是思家起頭夜
遠鐘孤棹宿楓橋雨中良盞留宿

煙月籠沙客未眠歌聲燈火酒家前如何纔出閶門外
已似秦淮夜泊船

舟次丹陽驛

沽酒來尋水驛門鄰船燈火語黃昏今朝始覺離鄉遠
身在丹陽郭外村

正月十六日夜至京師觀燈

天街爭唱落梅歌絳闕珠燈萬樹羅莫笑遊人來看晚
春風還似昨宵多

送郭省郎東歸二首

金陵兒女踏春陽金陵客子正心鄉一盃况復春將去
目斷飛花江水長

御選明詩 卷一百一十一
桃葉渡頭聞唱歌孤帆欲發奈愁何君歸是我來時路
山水無多離思多

晚晴遠眺

楚天無物不堪詩登眺惟愁動遠思秋樹江山人別後
夕陽樓閣雨晴時

聞人唱吳歌

楚人不解聽吳歌我獨燈前感慨多記得通波亭下路
畫船歸去雨鳴荷

雨中過山

春雲晻靄澗奔渾風雨行人過一村不似家山深竹裏
乳鳩啼午未開門

寒食逢杜賢良飲

楊柳無煙江水長鄰家風雨杏餠香逢君共把金陵酒
忘却今朝在異鄉

讀韋蘇州詩

掃閣焚香晝卷帷綠槐疎雨夏初時客憂何物能消遣
一帙蘇州刺史詩

西園即事

綠池芳草滿晴波春色都從雨裏過知是鄰家花落盡
菜畦今日蝶來多

東歸至楓橋

故人當日送登畿此地停舟醉落暉慙愧臨河舊攀柳

尚留青眼看人歸

江行

家家漁網映迴橋春水初生沒樹膏客路江南煙雨裏
綠蕪芳草恨迢迢

蜀山書舍圖

山月蒼蒼照煙樹碧浪湖頭放船去隔林夜半見孤燈
知是幽人讀書處

行樂

冠觸花梢露濕衣曉因行樂到南圻日高霧散春江曲
綠滿平田雙雉飛

柳塘飛燕

身輕不奈晚多風春盡迴塘落絮空楊柳陰迷三十里
畫樓何處卷簾櫳

題芭蕉仕女

秋宮睡起試生羅閒向芭蕉石畔過怪底早涼欺匣扇
夜來葉上雨聲多

和王耕雲與愚菴倡和詩二首

灌花移石不辭勤苔潤流泉雨後新一塢綠楊雞犬靜
老來欣作太平人
欲望城西禮白雲數峰蒼翠晚粼粼誰知邂逅東歸客
亦是香山社裏人

夢余唐卿

御選明言 卷一百一十五
路隔城皋萬里關何由得見故人還燈前夢裏匆匆見
猿叫楓林月在山

過湖南舟中臥作

野客分携水店前浪平舟穩稱酣眠午雞啼處前村近
過盡平湖幾曲天

疎竹三禽圖

棘枝疎瘦竹枝低三鳥寒多每並棲月落山空秋夢斷
不知誰箇最先啼

客舍春暮

酒醒閒寫送春詩細雨殘花尚一枝莫向天涯望芳草
客愁多似去年時

雨中曉臥二首

井桁烏啼破曙煙輕寒薄被落花天閒人晴日猶無事
風雨今朝正合眠
香斷牀幃冷未開雨窗寥落滿檣苔休輕一枕江邊睡
拋却畧金換得來

晚立西浦渡

鬢絲微映釣絲輕水葉驚風細浪生誰見晚涼人立處
數株楊柳一蟬鳴

江上雨中

江漲隨漚欲到門濕雲依樹易昏幽居常日無來客
何況蕭蕭雨滿村

過北莊訪友

淺水平沙凍鴨眠秋聲和過石
何邊尋君兼得尋詩興
野樹江雲欲雪天

效香奩體

揚州夢斷十三年底事猶存未了緣
不見擁鬢簾下立
斷腸騎馬過門前

遊石湖

綠楊搖曳蘸湖波鷗鷺頻驚畫舫過
白紵歌殘風欲起
美人應怯暮寒多

刺繡圖和楊孟載

翠絲盤葉碧玲瓏小萼花鋪茜縷紅
夢裏鴛鴦留不得

分明却在繡牀中

楊基

天平山中

細雨茸茸濕棟花南風樹樹熟枇杷
徐行不計山深淺
一路鶯啼送到家

紅綠蕉二仕女圖

兩樹紅蕉隔禁扉曉涼携伴試羅衣
金鈴小犬迎人吠
應怪秋來出院稀

故山春日四首

千花萬萼委塵埃只有荼蘼獨自開
應是鄰家更零落
過牆蝴蝶又飛來

梨花兩枝春可憐
下馬折花山徑邊
山中人家改新火
隔樹吹來榆柳煙

寂寂青山一鳥啼
紫藤花落午風微
不知刻漏長多少
但覺桐陰半日移

春來芳草踏成蹊
半是車輪半馬蹄
多謝清明三日雨
舊痕新綠一般齊

寄陳惟寅惟允

坐有重甌食有魚
眼能識字手能書
山於秋水船頭看
家在春波門外居

遇史克敬詢故園

三年身不到姑蘇
見說城邊柳半枯
縱有蕭蕭幾株在

也應啼殺樹頭烏

憶挹翠亭聽歌示徐幼文余唐卿

清歌一曲動梁塵
只憶當時淚滿巾
何況春歸花落盡
眼前漂泊兩三人

舟泊南湖有懷二首 并序

二月十二日舟泊彭蠡南湖
嘴風雨甚寒憶吳中
是日郡人皆試夾紗衣
單羅扇往范家園看杏花
入春來此為行樂之首

紗衣羅扇一時裁
兩兩三三作伴來
正是吳中好風景
范家園裏杏花開

單羅小扇夾紗衣
冠子梳頭插翠薇
知是范家園裏醉

無人不戴杏花歸

到江西省看花次韻四首

青絲茵褥是柔莎
白苧衣裳勝綺羅
千樹桃花紅一色
春光誰道不須多

小小旗亭曲曲闌
禁煙時節未鶯殘
便須連夜燒銀燭
莫待他年霧裏看

東湖東畔柳枝長
滿苑飛花亂夕陽
何處被除兒女散
過來流水鬱金香

生色屏風一面開
輕羅團扇合歡裁
深深院落青青柳
縱是無花也看來

鯉魚山阻風天甚寒雨皆成霰

江南天氣大無憑
草色煙光暖欲蒸
向晚鯉魚風乍急
盡吹小雨作春冰

望武昌二首

吹面風來杜若香
離離煙柳拂鷗長
人家鸚鵡洲邊住
一向開門對漢陽

春風吹雨濕衣裾
綠水紅妝畫不如
却是漢陽川上女
過江來買武昌魚

祁陽道中二首

疎煙小雨濕流光
愁得楊花不暇狂
半晌春晴便飄蕩
綴人簾幙上人牀

愁紅怨白滿江濱
一樹盈盈恰破春
正是情多開自晚

雨中知有斷腸人

張羽

畫

疎散元非用世才日高林戶尚慵開為憐湖上青山好
行到冬青樹底來

暮過西曠

白水泱泱繞壞堤隔林遙聽夕陽雞閒行每到東邊少
為有青山在屋西

贈琴士

有客夜半來山中橫琴坐石彈松風松風曲罷抱琴去
落月一聲天外鴻

取勝亭感舊

綠雨微消紫陌塵湖光冷落似無春朱門記得曾遊處
楊柳青青不見人

寄友

客路尋常怨別離况逢秋色倍堪悲一封書到千山暮
正是思君獨坐時

梅雪軒

山如東郭先生里屋似西湖處士家為問軒中清白吏
還應比雪比梅花

小遊仙

洞口春泉漱碧沙樓臺彷彿蔡經家赤鸞銜得金盤子

御選日言 卷一百一
擲向窗前樹樹花
朝遊碧海不騎魚
鳳引霓旌鶴引車
吟得步虛誰解和
歸來閒倩少霞書

維陽春晚

煙籠柳影亂鶯啼
雨濕芹香乳燕飛
二十四橋春又盡
江南詞客正思歸

燕山春暮

金水橋邊蜀鳥啼
玉泉山下柳花飛
江南江北三千里
愁絕春歸客未歸

徐貴

雨後慰池上芙蓉

池上新晴偶獨過
芙蓉寂寞照寒波
相看莫厭秋情薄
若在春風怨更多

折花背立一美人圖

綉罷春衫出閣遲
辛夷花下立多時
內園且是無人到
不省含羞怕見誰

荅楊署令送菜

隙地知君手自栽
紺芽紅甲雨中開
閑居我亦清齋久
肯折新葵為送來

荅高季迪酒醒聞雨

江郭多陰暑到遲
夜涼孤枕怯吟帷
聽風聽雨尋常慣
不似今朝醉醒時

折蓮子呈孟載

落盡紅衣見綠房折來猶帶水
雲香柔絲零落芳心苦
未及秋風已斷腸

月明聽胡琴

檀板朱絃出砑聲停杯齊聽月當楹
分明自是涼州曲
不解何人最有情

題倪雲林竹二首

憶君我有淚淋漓正似湘江雨後枝
記得秋聲夜同聽
蕭閒館裏對牀時

綺窗晝寂自焚香十日春陰不下堂
幾度吟成微醉後
興來拈筆寫脩篁

送呂管勾

客情沙柳共依依隔浦遙山向夕微
送別偶當花落後
傷心元不為春歸

曉發秀州

路出雙湖煙樹東舟行長是雨兼風
夢回重有離家恨
惆悵春寒此夜中

揚州僧舍見花有感

風遞穠香到水涯幾株桃李映門斜
侯家園圃多荒廢
不是僧房不見花

居龍河寺懷高季迪二首

與君長辦酒家錢共結山盟與水緣
今夜重思舊遊處

一龕閒坐佛燈前
竹下幽泉細細流
寺閒人去暮烟愁
獨憐千里來京客
腸斷龍河寺裏秋

風燕 九月十七日聞雁寄董莊
徐對空園圃多荒蕪

晚意秋陰兩不分
渚蘆沙竹護寒雲
雁聲客裏誰先聽
愁絕惟應我共君

祝出 送葉知縣
任子身長兩兼風
夢回重百轉客別

黃葦丹楓葉落時
水雲漠漠雁來遲
秋風長是身為客
已自傷心况別離

容辭 送張景則歸天台
山向文谿遊
遊民野客

浙江東去有名山路遠
天台雁宕間
我未得遊空悵望

是君鄉里喜君還

陳則

不見米 題雲林畫

落花愁殺未歸人
亂後思家夢更頻
縱有溪頭茅屋在
也應芳草閉深春

王行

醉春 題畫中
詩 蘇圃明 山堂 賦 出
以文 楊 蘇 蘇 蘇 蘇 蘇

高館疎簾晚乍開
讀書聲裏故人來
山中本自無塵土
催得家僮掃綠苔

呂題 自作畫

高館良宵睡思遲
葛巾重著半醺時
都將滿抱林泉興

御選明言 卷一百一
付與閒窗墨半池

呂敏

為惠機長老題徐幼文寫惠山圖

天寒華表鶴歸遲 隔世令人起遠思 偶見漪瀾堂上畫

猶看悟澹卷中詩

幼文詩籤題悟澹集
漪瀾即惠山堂扁也

錢用壬

題米敷文煙巒曉景

江上亂峰生暮煙 隔江遙望水雲連 西風戰艦今無數
不見米家書畫船

御選明詩卷第一百一

付與爾有恩半池

呂欽

為思機長老題餘幼文寫思山圖

天寒華表鶴歸遲
爾世令人起遠思
偶見漪瀾堂上畫

猶看悟澹卷中詩

幼文詩畫題悟澹卷中詩

錢用壬

題米敷文煙巒曉景

江上亂峰生暮煙
隔江遙望水雲連
西風戰艦今無數

不見米家書畫船

御選明詩卷第一百一

